

mit statlicher Zubuß vnd Verlag beleget/ vnd alle die den Tod verwircket hatten/ anzufahren/ vnd zu allen Dritteln/ vnd zu Feyertag umbzugehen zulassen/ gezwungen haben.

#### Arabia.

Diodorus Sicul. lib. 2. cap. 12. schreibet/ das in Arabia gediegen Goldt/ wie die Welsche Nüz groß/ vnter den Kafen/ Auch so schön vnd Durchsichtig gebrochen/ das man es nicht hat schmelzen dörffen/ daher es *ἀμύργη* genant worden.

#### Aphrica.

Herodotus lib. 4. der alte Geschichtschreiber gedencket/ das nicht allein in der Insel Cyrene, viel Gold Erzt in derselben Gegend gebrochen/ sondern auch gediegen Zähne reines Goldes/ auß der Erden in Aphrica gewachsen/ vnd nachgeschlagen worden sind.

#### Colchis.

In Colchite hat es vorzeiten so statliche Bergwercke/ vnd reiche Goldstueffen gehabt/ das man das flammichte Goldt vffrawen fehlen/ wie jezund auff plahen/ vnd ober das Sieb gewaschen. Daher dann die Parten/ die Schiffahrt der Griechischen Fürsten in Cholchiten erdacht/ vnd von den grossen Gut/ so dadurch erlanget/ viel geschrieben.

#### Lydia.

Die Landschaft Lydia, hat so reich Gold vnd Silber Bergwercke gehabt/ das die Fundgrübner derselbigen/ wegen ihren statlichen Vermögens vnd grossen Reichthumb/ Könige sind genennet worden. Herodotus libr. 5. saget: Ein Fluß in Lydiapactolus, hat so reich Goldts sandt geführet/ das der König Cræsus davon vberaus reich worden/ Strab. lib. 13.

#### Phrygia.

Die Landschaft Phrygia, ist nicht weniger als andere/ wegen der reichen Bergwercke/ berühmet/ darinnen Pythius, welcher zu Celinis gewohnet/ ober die massen Reich worden/ vnd sehr ein verständiger feiner Bergmann gewesen/ auch dem König Dario in Persen/ einen güldenen Nebenstock/ vnd einen Baum Plantanum genandt/ welcher sehr grosse vnd breite äste haben soll/ von lauterm Gold/ verehret.

#### Syria vnd Assyria.

Suidas schreibet/ das Semiramis, der König zu Babel/ erslich das Bergwerck in Assyrien vnd Syrien aufgebracht/